

Հավելված
Հայաստանի Հանրապետության հանրային
ծառայությունները կարգավորող հանձնաժողովի
2021 թվականի մարտի 31-ի N°105Ա որոշման

«Հավելված
Հաստատված է Հայաստանի Հանրապետության հանրային
ծառայությունները կարգավորող հանձնաժողովի
2015 թվականի օգոստոսի 19-ի N°304Ա որոշմամբ

**«Հայաստանի հեռուստատեսային և ռադիոհաղորդիչ
ցանց» փակ բաժնետիրական ընկերության կողմից Երևան
քաղաքում ամրակցված արբանյակային կապի Երկրային
կայանի շահագործման համար 14350,53ՄՀգ/11050,53ՄՀգ
հաղորդման/ընդունման ռադիոհաճախականությունների
օգտագործման թույլտվության**

Պայմանները

**(Թույլտվություն N°1133, տրված Հայաստանի Հանրապետության
հանրային ծառայությունները կարգավորող հանձնաժողովի
2015 թվականի օգոստոսի 19-ի N°304Ա որոշմամբ)**

1. Սահմանումներ

1. Սույն թույլտվությունում օգտագործված հիմնական հասկացություններն են՝
Հանձնաժողովը՝ Հայաստանի Հանրապետության հանրային ծառայությունները
կարգավորող հանձնաժողով.

Թույլտվություն ունեցող անձ կամ Կարգավորվող անձ՝ «Հայաստանի
հեռուստատեսային և ռադիոհաղորդիչ ցանց» փակ բաժնետիրական ընկերություն.

Թույլտվություն՝ Հանձնաժողովի կողմից Կարգավորվող անձին տրված սույն փաստա-
թուղթը, որը հավաստում է ռադիոհաճախականություններ օգտագործելու նրա
իրավունքը և պարտականությունը.

Ֆորս մաժոր՝ արտակարգ և անկանխելի դեպքեր և հանգամանքներ, որոնք
ստեղծվել են Կարգավորվող անձի կամքից անկախ, ներառյալ (սակայն
չսահմանափակվելով դրանցով) բնական աղետները, բնության ուժերի
արտասովոր ուժեղ դրսևորումները, ինչպես, օրինակ, ջրհեղեղները,

երկրաշարժերը, փոթորիկները, պտտահողմերը, նաև սաբոտաժային գործողություններ, ահաբեկչություններ, պատերազմներ, ապստամբություններ, հասարակական անկարգություններ, գործադուլներ, որոնք խոչընդոտում են Կարգավորվող անձի գործունեությունը կամ հանգեցնում նրա ստանձնած ցանկացած պարտավորության կատարման ձգձգման կամ դադարեցման՝ հակառակ նրա կողմից գործադրված ջանքերի՝ խուսափելու, թուլացնելու կամ վերացնելու այդ ուժերի ազդեցությունը:

2. Թույլտվության գործողության ժամկետը

2. Թույլտվությունն ուժի մեջ է մտնում 2015 թվականի օգոստոսի 19-ից:
3. Թույլտվությունը տրվում է 10 տարի ժամկետով:

3. Ռադիոհաճախականության օգտագործման էությունը կազմող գործառույթները

4. Թույլտվությունն ուժի մեջ մտնելու պահից Կարգավորվող անձին իրավունք է տրվում և պարտավորեցվում է Երևան քաղաքում ներարտադրական նպատակով ամրակցված արբանյակային կապի երկրային կայանի շահագործմամբ օգտագործել հաղորդման/ընդունման 14350,53ՄՀց/11050,53ՄՀց ռադիոհաճախականությունները՝ հետևյալ տեխնիկական ցուցանիշներով՝

- 1) ամրակցված արբանյակային կապի երկրային կայանի տեղադրման վայրը՝ քաղաք Երևան, Նորք-Մարաշ, Հովսեփյան 95.
- 2) տեղադրման վայրի աշխարհագրական կոորդինատները՝ 44E 32' 11,01" , 40N 10' 15,27".
- 3) արբանյակային ցանցի անվանումը՝ Eutelsat 70B.
- 4) արբանյակի տեղակայման կոորդինատները՝ 70,5°E.
- 5) հաղորդչի հզորությունը՝ 300 Վտ.
- 6) հատկացված ռադիոհաճախականությունները

հաղորդման/ընդունման)՝ 14350,53ՄՀց/ 11050,53ՄՀց.

- 7) տեղեկատվության հաղորդման արագությունը՝ 19000 կԲիթ/վ.
- 8) ճառագայթման դասը՝ 2M59G7W.

- 9) անտենայի տեսակը՝ պարաբոլիկ երկհայելային.
 - 10) անտենայի տրամագիծը՝ 4,6 մետր.
 - 11) անտենայի ուժեղացման գործակիցը՝ 55,4 դԲ.
 - 12) անտենայի առավելագույն ճառագայթման ազիմուտը՝ 143,0°.
 - 13) անտենայի տեղի անկյունը՝ 36,4° :
5. Կարգավորվող անձը պարտավոր է ամրակցված արբանյակային կապի երկրային կայանը տեղադրել և շահագործել միայն ներարտադրական նպատակների համար:
 6. Կարգավորվող անձն իրավունք չունի իր ներարտադրական ցանցը փոխկապակցել հանրային էլեկտրոնային հաղորդակցության ցանցին:
 7. Կարգավորվող անձն իրավունք չունի ներարտադրական ցանցի միջոցով մատուցել հատուցելի կամ անհատույց հանրային էլեկտրոնային հաղորդակցության ծառայություններ:
 8. Կարգավորվող անձը պարտավոր է ռադիոհաճախականություններն օգտագործել այնպես, որ վնասակար ազդեցություն չունենա այլ անձանց ռադիոհաճախականության օրինական օգտագործման վրա:
 9. Թույլտվության պայմանների 8 կետի խախտման դեպքում Հանձնաժողովը կարող է փոփոխություն կատարել թույլտվության մեջ:

4. Կարգավորվող անձի գործունեությունը

10. Կարգավորվող անձը պարտավոր է իր գործունեությունը իրականացնել «Էլեկտրոնային հաղորդակցության մասին» օրենքի, Հանձնաժողովի ընդունած իրավական ակտերի, Թույլտվության պայմանների և այլ իրավական ակտերի համաձայն:
11. Թույլտվությունը չի կարող օգտագործման տրվել այլ անձանց, օտարվել կամ գրավադրվել՝ բացառությամբ օրենքով սահմանված դեպքերի:
12. Կարգավորվող անձը պարտավոր է Թույլտվությունն ուժի մեջ մտնելու պահից եռամսյա ժամկետում Հանձնաժողով ներկայացնել կապի գծով քաղաքաշինության փաստաթղթերի մշակման լիցենզիա ունեցող անձանց կողմից մշակված արբանյակային կապի երկրային կայանի տեխնիկական

նախագիծը՝ երկու օրինակից: Տեխնիկական նախագիծը պետք է ընդգրկի բազային կայանի ծածկույթի (սպասարկման գոտու) գծապատկերը աշխարհագրական քարտեզի վրա, արբանյակային կապի կազմակերպման սխեման՝ նշելով անտենաների ազիմուտները, տիպերը, բարձրությունները երկրի մակերևույթից, ռադիոհաճախականությունների տիրույթում էլեկտրամագնիսական իրավիճակի պլանը, նշելով առկա կայանները և ռադիոհաճախականությունները, որոնց համար իրականացվում է հաշվարկ:

13. Թույլտվության պայմանների 12 կետով նախատեսված տեխնիկական նախագծի ներկայացումից հետո Թույլտվության պայմանները կարող են փոփոխվել:
14. Կարգավորվող անձը պարտավոր է Թույլտվության պայմանների 4-րդ կետում նշված որևէ տեխնիկական ցուցանիշի փոփոխության դեպքում եռամսյա ժամկետում Հանձնաժողով ներկայացնել կապի գծով քաղաքաշինության փաստաթղթերի մշակման լիցենզիա ունեցող անձի կողմից մշակված արբանյակային կապի երկրային կայանի տեխնիկական նախագիծը՝ երկու օրինակից:
15. Կարգավորվող անձը պարտավոր է ամրակցված արբանյակային կապի երկրային կայանի շահագործումից առնվազն 3 օր առաջ տեղեկացնել Հանձնաժողովին շահագործման մասին:
16. Կարգավորվող անձի բաժնեմասի նկատմամբ սեփականության իրավունքն այլ անձի փոխանցելուց 15 աշխատանքային օր առաջ Կարգավորվող անձը պարտավոր է դրա մասին գրավոր տեղեկացնել Հանձնաժողովին:
17. Կարգավորվող անձը պարտավոր է ապահովել Թույլտվությամբ հատկացված ռադիոհաճախականությունների արդյունավետ օգտագործումը:
18. Կարգավորվող անձը պարտավոր է ռադիոհաճախականությունների շերտում տիեզերական սեգմենտի մուտքի հատկացման մասին արբանյակային կապի օպերատորի հետ կնքված պայմանագրի կամ դրանում կատարված փոփոխությունների պատճենը Հանձնաժողով ներկայացնել պայմանագրի կնքումից կամ փոփոխությունները կատարելուց հետո 10-օրյա ժամկետում:

19. Կարգավորվող անձը պարտավոր է Հանձնաժողովի կողմից սահմանված կարգով և ժամկետներում վճարել ռադիոհաճախականությունների օգտագործման վճարները և եռամսյակը մեկ անգամ մինչև յուրաքանչյուր եռամսյակին հաջորդող ամսվա 25-ը, Հանձնաժողով ներկայացնել ռադիոհաճախականությունների օգտագործման համար սահմանված ամենամյա վճարի մեկ քառորդի վճարումը հավաստող անդորրագիրը:
20. Կարգավորվող անձը պարտավոր է իր վերակազմակերպման կամ անվանափոխման, կամ գտնվելու վայրի փոփոխման դեպքում այդ փոփոխությունների իրավական ուժ ստանալու օրվանից սկսած 15-օրյա ժամկետում այդ մասին տեղեկացնել Հանձնաժողովին՝ կցելով նշված տեղեկությունները հավաստող համապատասխան փաստաթղթերը:
21. Կարգավորվող անձը՝ Հանձնաժողովի կողմից սահմանված կարգին և ձևերին համապատասխան, պարտավոր է իր գործունեության մասին տեղեկատվություն ներկայացնել Հանձնաժողով:
22. Կարգավորվող անձը պատասխանատվություն է կրում իր գործունեության մասին Հանձնաժողով ներկայացրած տեղեկատվության հավաստիության համար:
23. Կարգավորվող անձի՝ Հանձնաժողով ներկայացրած տեղեկատվությունը հրապարակային է, եթե այն Կարգավորվող անձի կողմից չի համարվում գաղտնի և նշված չէ որպես «գաղտնապահական տեղեկատվություն»: Կարգավորվող անձն իրավունք ունի ներկայացնել փաստարկներ և հիմնավորումներ՝ ապացուցելու համար, որ իր ներկայացրած տվյալների (ներառյալ՝ «գաղտնապահական տեղեկատվությունը») հրապարակումը կարող է վնասել իր գործունեության շահերին: Հանձնաժողովն իրավասու է ընդունել կամ մերժել նման տեղեկատվության չհրապարակման վերաբերյալ Կարգավորվող անձի խնդրանքը:
24. Կարգավորվող անձը պարտավոր է հնարավորինս սեղմ ժամկետում Հանձնաժողով հայտնել այն հանգամանքների մասին, որոնք հանգեցրել կամ կարող են հանգեցնել Թույլտվության պայմանների խախտման:

5. Գործունեության վերահսկում

25. Թույլտվության պայմանների կատարման կամ պահպանման վերահսկումն իրականացնում է Հանձնաժողովը:
26. Թույլտվության պայմանների կատարման կամ պահպանման վերահսկումն ապահովելու նպատակով Հանձնաժողովի ներկայացուցիչներն իրավունք ունեն անարգել մուտք գործել Կարգավորվող անձի տարածք: Վերահսկումն իրականացնելու ընթացքում Կարգավորվող անձը պարտավոր է աջակցել Հանձնաժողովին:
27. Հանձնաժողովն անհրաժեշտության դեպքում, իր կողմից սահմանված կարգով և ժամկետներում, իրավունք ունի իրականացնելու Թույլտվության պայմանների պահպանման ուսումնասիրություն և Հանձնաժողով ներկայացված տեղեկատվության հավաստիության ստուգում:

6. Պատժամիջոցներ

28. Կարգավորվող անձի կողմից «Էլեկտրոնային հաղորդակցության մասին» Հայաստանի Հանրապետության օրենքի, Հանձնաժողովի ընդունված իրավական ակտերի պահանջները կամ Թույլտվության պայմանները չկատարելու, ոչ պատշաճ կատարելու կամ խախտելու դեպքում Հանձնաժողովն իրավասու է իր կողմից սահմանված կարգով կիրառել հետևյալ պատժամիջոցները՝
- 1) տույժերի և տուգանքների կիրառում,
 - 2) Թույլտվության փոփոխում,
 - 3) Թույլտվության կասեցում,
 - 4) Թույլտվության գործողության դադարեցում:
29. Կարգավորվող անձը Թույլտվության 28 կետի համաձայն չի ենթարկվում պատասխանատվության, եթե նրա գործունեության մեջ արձանագրված խախտումները Ֆորս մաժորի հետևանք են:

7. **Թույլտվության փոփոխություն, ժամկետի երկարաձգում, Թույլտվության կորստի դեպքում կրկնօրինակի տրամադրում**

30. Ամրակցված արբանայակային կապի երկրային կայանի տեղադրման և շահագործման ընթացքում տեխնիկական ցուցանիշների ցանկացած փոփոխության դեպքում Կարգավորվող անձը անհապաղ դիմում է Հանձնաժողով՝ Թույլտվության մեջ փոփոխություններ կատարելու կամ նոր Թույլտվություն ստանալու հայտով:
31. Թույլտվության պայմաններում փոփոխություններ կարող են կատարվել Հանձնաժողովի կամ Կարգավորվող անձի նախաձեռնությամբ՝ Հանձնաժողովի կողմից սահմանված կարգով:
32. Թույլտվության կորստի (կորցնելու, ոչնչանալու և այլն) կամ գործողության ժամկետի երկարաձգման անհրաժեշտության դեպքում Կարգավորվող անձը պարտավոր է հայտ ներկայացնել Հանձնաժողով՝ վերջինիս կողմից սահմանված կարգով:

8. Այլ պայմաններ

33. Թույլտվության գործողությունը կարող է կասեցվել կամ դադարեցվել Կարգավորվող անձի կամ Հանձնաժողովի նախաձեռնությամբ՝ օրենսդրությամբ սահմանված կարգով:

9. Ծանուցում

34. Սույն Թույլտվության պայմաններով նախատեսված իրազեկումը, այդ թվում փաստաթղթերի հանձնումը, կատարվում է օրենքով սահմանված կարգով և ժամկետներում:»: